

興國縣志卷之八

公署

按舊志不立公署之目而散見於圖考中

上諭亭則以地近學宮而附列焉非體也夫朔望宣講聖訓與邑令之朝夕聽政無非在公言公今首紀

上諭亭次列縣署凡文武公廨悉依次編載其舊無而今有如激江試院之類舊有而今廢如府館賓賓館之類並詳記之蔣志

上諭亭在訓導署右雍正間知縣梁聯德因書院舊宇改建為朔望敬謹宣講

興國縣志

卷之八

公署

聖諭處恭逢

聖節元旦長至慶典文武官齊集行禮於此道光二十二年壬寅知縣余瑋修

縣治在城東南隅宋太平興國七年壬午建慶歷四年甲申縣令程珣重修紹興十三年癸亥縣令韓暉慶元元年乙卯縣令解僖五年己未縣令莊夏相繼修葺宋末至元無考明洪武元年戊申知縣賈思復五年壬子知縣馮欽正統元年丙辰知縣陳連成化間知縣章廷圭正德間知縣曾選會文煥黃泗嘉靖十三年甲午知縣李菽戊申知縣盧立萬曆五年知縣盛代先後營修

國朝康熙八年己酉知縣王璋改建廳事仍舊額曰懷保堂十七年戊午知縣黃惟桂新之堂右爲庫有庫神祠前爲戒石亭爲儀門門左爲土地祠兩翼吏舍黃令構其六四十五年丙戌知縣張尚瑗於吏戶禮兵刑工之外增建鹽稅倉儲屯田承發四房規制始備堂之後爲川堂有閤吏及小胥兩廊房宅門內有退思堂琴鶴樓順治五年戊子燬於兵黃惟桂建堂五楹後建樓五楹其堂曰四知張尚瑗以朱子書牧愛堂揭本易之樓額曰顧雲甯都邱成和記左曰方竹山房房有旁室曰菌雲其前曰芥舟曰茅亭泰和梁機記亭外有隙地植

花木甚盛前令何振先構書室其中尚瑗以檢討朱彝尊所書學海二字顏之邱成和梁機俱有記其西曰樹梓軒成和亦有記又有覆筍山館在樹梓軒後吳江陳沂震記皆令廨也嘉慶二年丁巳知縣謝袞重修十八年癸酉知縣俞之鈺繼修道光壬寅知縣余璋修咸豐十年庚申知縣張慰祖修并捐俸修郡城行署

譙樓宋慶厯間縣令程珣建紹興間縣令韓暉明洪武初知縣賈思復馮欽增修景泰元年庚午知縣鮑安置鐘其上自爲銘窮維金聲八音之始內虛外圓震聞百和六年乙亥知縣熊鑑繼修邑人鍾觀記萬曆三十年

壬寅知縣何應彪重建置鐘鼓各一自為記 國朝康熙四十五年丙戌知縣張尚瑗改建為五楹自為記乾隆五年庚申知縣徐大坤重修自為記

旌善亭在縣署大門外久廢

申明亭在縣署大門外久廢

常平倉舊在縣治儀門右順治五年戊子燬康熙十六年丁巳知縣黃惟桂重建於譙樓右曰豐裕倉為厥十九四十七年戊子知縣張尚瑗增建三廩又別貯其六於尉廳之側共二十八廩

濼江試院在縣治東即文昌宮五賢祠寅賓館廢址嘉

興國縣志

卷之八

公署

三

慶十八年癸酉知縣俞之鈺倡建

邑人江侶淮堂捐建前後二棟及兩廊坐

號鍾桂標堂捐建頭門鍾其大堂捐建大堂郭邦安捐建龍門黃敬熙捐建照牆基址不足山鍾華亭堂壽念祖堂劉榮弼羅開蓮捐置監造東西轅門及漫砌內外石路均由合邑樂輸詳載於碑

寅賓館舊在譙樓右明萬歷九年辛巳署縣事會昌教

諭陳文銓建後廢 國朝康熙四十五年丙戌知縣張

尚瑗改建於儀門左工科給事中王原記後廢

府館在縣治西明成化二十一年乙巳知縣達泰修正

德元年丙寅知縣會選嘉靖二十八年己酉知縣盧

萬歷四十六年戊午知縣蔡鍾有相繼修葺後廢

典史廨在縣治右即舊主簿廨康熙二十年辛酉典史

陳振祖新之額曰勤慎堂

按明設縣丞主簿各一縣丞典史廨在縣治左主簿廨在

縣治右後丞簿缺裁典史廨圮遂移居主簿廨監獄在典史廨前常平倉後

教諭廨在明倫堂後道光八年戊子邑人重修

訓導廨在明倫堂右乾隆三年戊午訓導黃迪倡邑紳

士建廣昌何人龍有記訓導劉曰棟倡建堂後宅舍五

十三年戊申嘉慶八年癸亥相繼修葺道光八年戊子

邑人倡修移門於東十五年乙未訓導余步蟾重修

衣錦巡檢司廨在衣錦鄉六十三都宋紹興間縣令韓

暉建明洪武二年己酉知縣賈思復重建後圮嘉靖二

十七年戊申知縣盧立修 國初毀於兵康熙三十九

興國縣志

卷之八

公署

四

年庚辰巡檢司張士奇率其部人共襄構之

迴龍巡檢司廨在寶城鄉迴龍元至正間縣尹呂珪以

其地僻改建佛嶺明洪武間知縣馮欽正德間知縣黃

泗嘉靖間知縣盧立相繼修葺 國朝乾隆間缺裁解廢

都司署在縣治東即舊嶺心道分司公署明初知縣馮

欽建中為澄清堂後為公署清燕軒 國朝康熙四年

乙巳贛鎮前營守備移駐於此七年戊申改前營為興

國營雍正七年己酉八月 守備為都司遂為都司公

署同治九年庚午都司三 國修

火藥局在 關帝廟內三 祠左

軍器庫在都司署堂右

教場在北門外二里許明洪武二年己酉知縣賈思復
建成化八年壬辰知縣章廷圭創建演武亭將臺石坊
繚以垣墉正德十二年丁丑知縣黃泗重修嘉靖十七
年乙未知縣李菽二十七年戊申知縣盧_生繼修後圯
知縣海瑞重建 國朝嘉慶十八年癸酉重修

營房堆卡在衣錦鄉者六曰崖石營前東村南村觀音
坳赤墘在大足鄉者曰均村汎在太平鄉者曰長逕口
汎在寶城鄉者曰楓邊汎在儒林鄉者曰石窖塘汎
陰陽學在縣治譙樓外左久廢

興國縣志

卷之八

公署

五

醫學在縣治譙樓外右久廢

僧會司在大乘三檀二寺今無定處

道會司在治平觀今無定處

稅課局舊在縣治西宋置稅務元因之明洪武間改稅
課司後改爲局正統初裁革正德十二年丁丑知縣黃
泗奉文重修嘉靖十八年己亥又革

按蔡志稅課局廢址爲徐家屋今東門外設局徵收
雜稅俗謂之東關或附會於明之稅課司非也其建

置年月無考

蔣志

惠民局在譙樓外明正德二年丁卯知縣曾選建嘉靖

間知縣盧立修改名惠生局久廢

養濟院在南門外二里許舊爲南社倉址明正德十四年己卯知縣黃泗建嘉靖二十八年己酉知縣盧立重修萬曆四十七年己未署縣事訓導何其良繼修前後各三間東西各耳房一間廊房各三間 國朝康熙二十二年癸亥知縣黃惟桂仍於舊址修建

育嬰堂在東門內乾隆二十四年己卯知縣鄧蔚林建四十一年丙申知縣陳椿年改爲育英書院五十四年亡酉知縣程玉樹移三程神主於此改名三程書院年久頽廢道光三年癸未巡撫程檄各州縣設立育嬰堂

興國縣志

卷之八

公署

六

邑人江瀾呈請捐貲就原址建造

舊志載雍正七年知縣自成李所建之育

嬰堂今無考

興國公所在東門城內同治九年買後進六間其前進五間新造并買相連店房一所